



Privremena zajednička komisije oba doma/Privremeno zajedničko povjerenstvo obaju domova Parlamentarne skupštine Bosne i Hercegovine za izvršenje obaveza/obveza iz člana/članka 41a. Zakona o izmjenama i dopunama Zakona Bosne i Hercegovine o izvršenju krivičnih/kaznenih sankcija, pritvora i drugih mjera ("Službeni glasnik BiH", broj: 37/09)

Привремена заједничка комисија оба дома Парламентарне скупштине Босне и Херцеговине за спровођење процедуре за именовање Независне комисије из члана 41а. Закона о измјенама и допунама Закона Босне и Херцеговине о извршењу кривичних санкција, притвора и других мјера ("Службени гласник БиХ", број: 37/09).

Broj/Број: 01,02-50-1-48-6/10
Sarajevo/Сарајево: 19.3.2010.

**PREDSTAVNIČKOM DOMU
PARLAMENTARNE SKUPŠTINE BiH**

**DOMU NARODA
PARLAMENTARNE SKUPŠTINE BiH**

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 30.3.2010.

Broj/Број протокола	Редни број уписа	Редни број	Број прилога

B

Na osnovu člana 31. Poslovnika Predstavničkog doma Parlamentarne skupštine BiH ("Službeni glasnik BiH", br. 33/06, 41/06, 81/06, 91/06, 91/07 i 87/09), člana 35. Poslovnika Doma naroda Parlamentarne skupštine BiH ("Službeni glasnik BiH", br. 33/06, 41/06, 91/06 i 91/07), člana 3. Zaključka o osnivanju Privremene zajedničke komisije oba doma Parlamentarne skupštine Bosne i Hercegovine za provođenje procedure za imenovanje Nezavisne komisije iz člana 41a. Zakona o izmjenama i dopunama Zakona Bosne i Hercegovine o izvršenju krivičnih sankcija, pritvora i drugih mjera ("Službeni glasnik BiH", broj 37/09),¹ Privremena zajednička komisija oba doma Parlamentarne skupštine Bosne i Hercegovine za provođenje procedure za imenovanje Nezavisne komisije iz člana 41a. Zakona o izmjenama i dopunama Zakona Bosne i Hercegovine o izvršenju krivičnih sankcija, pritvora i drugih mjera ("Službeni glasnik BiH", broj 37/09) na 6. sjednici, održanoj 19.3.2010., usvojila je, te Predstavničkom domu i Domu naroda Parlamentarne skupštine BiH podnosi sljedeći

IZVJEŠTAJ

o utvrđivanju Prijedloga jedinstvene rang-liste kandidata za izbor pet članova Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina, ili drugi sud u skladu sa zakonom Bosne i Hercegovine

- I. Imenovanje članova Privremene zajedničke komisije oba doma Parlamentarne skupštine Bosne i Hercegovine za provođenje procedure za imenovanje Nezavisne komisije iz člana 41a. Zakona o izmjenama i dopunama Zakona Bosne i Hercegovine o izvršenju krivičnih sankcija, pritvora i drugih mjera ("Službeni glasnik BiH", broj 37/09)**

Parlamentarna skupština BiH je, na 59. sjednici Predstavničkog doma Parlamentarne skupštine BiH, održanoj 2.9.2009., i na 35 sjednici Doma naroda, održanoj 15.9.2009., usvojila Zaključak

¹ Zaključak je objavljen u ("Službeni glasnik BiH", broj 75/09).

o osnivanju Privremene zajedničke komisije oba doma Parlamentarne skupštine Bosne i Hercegovine za provođenje procedure za imenovanje Nezavisne komisije iz člana 41a. Zakona o izmjenama i dopunama Zakona Bosne i Hercegovine o izvršenju krivičnih sankcija, pritvora i drugih mjera ("Službeni glasnik BiH", broj 37/09), (u daljnjem tekstu: Privremena komisija) u sljedećem sastavu:

- Zoran Koprivica, mr. Alma Čolo i Ivo Miro Jović iz Doma naroda Parlamentarne skupštine BiH, te
- Savo Erić, dr. Sead Jamakosmanović i Slavko Matić iz Predstavničkog doma Parlamentarne skupštine BiH.

II. Zadaci i hronologija rada Privremene komisije

U skladu s članom 41.a Zakona Bosne i Hercegovine o izvršenju krivičnih sankcija, pritvora i drugih mjera ("Službeni glasnik BiH", br. 13/05, 53/07, 97/07 i 37/09, čl. 3., 5., 7., 8., 10., 11. i 12. Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine ("Sl.glasnik BiH", broj 37/03), te članom 3. Zaključka o osnivanju Privremene komisije, zadatak Privremene komisije bio je da, u skladu sa zakonom, provede proceduru oglašavanja i domovima predloži pet kandidata za članove Nezavisne komisije za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica Bosna i Hercegovina, ili drugi sud u skladu sa zakonom Bosne i Hercegovine (u daljnjem tekstu: Nezavisna komisija), radi imenovanja.

Privremena zajednička komisija, realizirajući svoj zadatak, održala je šest sjednica, a pregled najznačajnijih aktivnosti, iskazan pojedinačno za svaku sjednicu, dat je u nastavku.

- a) Konstituirajuća sjednica održana je 3.11.2009. na kojoj je Alma Čolo izabrana za predsjedavajuću Privremene komisije, Slavko Matić za prvog zamjenika predsjedavajuće, te Zoran Koprivica za drugog zamjenika predsjedavajuće;
- b) 2. sjednica održana je 11.11.2009. na kojoj je usvojen Poslovnik o radu Privremene komisije, broj: 01,02-50-1-1238/09, od 11.11.2009., utvrđen tekst Javnog oglasa za imenovanje članova Nezavisne komisije, te usvojena Odluka o raspisivanju Javnog oglasa. U skladu s odredbama Poslovnika o radu Privremene komisije, Javni oglas objavljen je u dnevnim listovima "Oslobođenje", "Večernji list" i "Nezavisne novine" dana 17.11.2009. Također, 17.11.2009., Javni oglas objavljen je u "Službenom glasniku BiH", broj 90/09, te na veb-stranici Parlamentarne skupštine BiH, dok je u "Službenom glasniku Brčko Distrikta BiH" objavljen 20.11.2009. Rok za podnošenje prijave na Javni oglas bio je 21 dan od dana objavljivanja javnog oglasa u "Službenom glasniku BiH", zaključno s danom 8.12.2009.;
- c) 3. sjednica održana je 11.1.2010. na kojoj je izvršeno otvaranje i uvid u pristigle prijave na Javni oglas;
- d) 4. sjednica održana je 15.2.2010. na kojoj je utvrđen termin za održavanje intervjua prijavljenih kandidata na Javni oglas, te metodologija vođenja intervjua;
- e) intervju je za prvih osam kandidata održan 3.3.2010., a za drugih osam 4.3.2010.;

- f) 5. sjednica održana je 8.3.2009. u okviru koje je izvršeno bodovanje kandidata prijavljenih na Javni oglas koji su pristupili intervjuu,
- g) 6. sjednica održana je 19.3.2009. na kojoj je usvojen Izvještaj o utvrđivanju Prijedloga jedinstvene rang-liste koji se upućuje domovima Parlamentarne skupštine BiH na razmatranje i usvajanje.

III. Prijavljeni kandidati, utvrđivanje ispravnosti dostavljene dokumentacije i intervju

Privremena komisija, u skladu s članom 11. Poslovnika o radu, po isteku roka za prijavu na Javni oglas, izvršila je provjeru svih pristiglih prijava u pogledu njihove blagovremenosti, potpunosti i urednosti.

Konstatirano je da je na raspisani Javni oglas blagovremeno pristiglo 17 prijava.

Sve potrebne dokumente, kako je to traženo Javnim oglasom, dostavili su sljedeći kandidati: Vildana Vranj, Sead Selman, Mile Lasić, Mirsad Kadić, Predrag Crnogorac, Željka Marković-Sekulić, Jugoslav Lalović, Semiha Borovac, Salih Terzić, Mariofil Ljubić, Mehmed Alibegović, Damir Čačković i Pejo Krnić.

Dokaz da nije izračena zatvorska kazna za krivično djelo učinjeno s unišljajem u skladu s krivičnim zakonima u Bosni i Hercegovini izdat od nadležnog policijskog organa (ne stariji od tri mjeseca) nisu dostavili: Husein Hajdarević, Dragan Podinić, Milana Škipina i Borislav Radić.

Razlog zbog kojeg ovaj dokument nije dostavljen je činjenica da se evidencija o osuđivanju vodi u nadležnom policijskom organu prema mjestu rođenja. Pošto su navedena lica rođena u općinama u Bosni i Hercegovini koje se nalaze na teritoriji Republike Srpske, a kako se prema važećem Krivičnom zakonu Republike Srpske ("Službeni glasnik RS", broj 49/03) ovaj dokument ne može dobiti na lični zahtjev građana, oni objektivno nisu bili u mogućnosti pribaviti navedeni dokument i dostaviti ga uz prijavu na Javni oglas.

Imajući u vidu da je Privremena komisija bila obavezna osigurati jednakopravnost svih kandidata u postupku provođenja Javnog oglasa, odlučeno je da se za Huseina Hajdarevića, Dragana Podinića, Milanu Škipinu i Borislava Radića, u skladu s članom 103. stav 2. Krivičnog zakona Republike Srpske ("Službeni glasnik RS", broj 49/03), od nadležnog policijskog organa po službenoj osnovi zatraži izvod iz kaznene evidencije.

U pogledu ispunjavanja posebnih uslova traženih Javnim oglasom, članovi Privremene komisije utvrdili su da posebne uslove Javnog oglasa ne ispunjava kandidat Sead Selman.

Naime, Javnim oglasom tražena je visoka stručna sprema (VII. stepen obrazovanja) iz oblasti prava, uprave, penologije, socijalne zaštite, psihologije, pedagogije i slično. S obzirom da je imenovani diplomirao na Prirodnomatemičkom fakultetu Univerziteta u Sarajevu, Odsjek hemija, jednoglasno je odlučeno da Sead Selman ne ispunjava ovaj uslov i da se oblast hemije ne može smatrati srodnom navedenim oblastima u Javnom oglasu.

U skladu s tim zaključeno je da Sead Selman nije kvalificiran za intervju.

Nakon što su nadležni policijski organi dostavili tražene izvode iz kaznene evidencije, Privremena komisija utvrdila je da su za intervju kvalificirani sljedeći kandidati:

1. Alibegović Mehmed,
2. Borovac Semiha,
3. Čačković Damir,
4. Crnogorac Predrag,
5. Hajdarević Husein,
6. Kadić Mirsad,
7. Krnjić Pejo,
8. Lasić Mile,
9. Lalović Jugoslav,
10. Ljubić Mariofil,
11. Podinić Dragan,
12. Radić Borislav,
13. Sekulić Marković Željka,
14. Škipina Milana,
15. Terzić Salih,
16. Vranj Vildana.

Intervju je, s obzirom na broj kandidata koji su ispunjavali opće i posebne uslove tražene Javnim oglasom, održan 3. i 4.3.2010, prema abecednom redu prezimena prijavljenih kandidata.

Kandidat Borislav Radić, iako je bio pozvan, nije pristupio intervjuu.

Vildana Vranj, kandidatkinja koja je pristupila intervjuu 4.3.2010., pismenim putem, dana 8.3.2010., povukla je svoju prijavu na Javni oglas.

Prije pristupanja intervjuu, svi pozvani kandidati predali su Privremenoj komisiji popunjen obrazac u kojem su bili obavezni iznijeti bilo koje pitanje koje bi ih moglo dovesti do sukoba interesa u slučaju da dođe do njihovog imenovanja, kako je to predviđeno članom 10. stav (5) Zakona o ministarskim imenovanjima, imenovanjima Vijeća ministara i drugim imenovanjima Bosne i Hercegovine ("Službeni glasnik BiH", broj 37/03).

Tokom rada kod članova Privremene komisije pojavila se dilema o eventualnom postojanju sukoba interesa u profesionalnom pogledu za sljedeće kandidate:

1. Huseina Hajdarevića, koji je zaposlen u Ministarstvu pravde BiH kao rukovodilac ovlaštenog zavodskog osoblja Pritvorske jedinice Suda BiH,
2. Jugoslava Lalovića, koji je zaposlen u Ministarstvu pravde BiH na radnom mjestu stručni savjetnik za poslove pomilovanja i uslovnog otpusta u Sektoru za izvršenje krivičnih sankcija, pritvora i drugih mjera,

3. Željku Sekulić-Marković, koja je Odlukom Vijeća ministara BiH imenovana za člana Komisije za monitoring rezidencijalnih ustanova za smještaj i zbrinjavanje djece, žrtava nasilja, trgovine ljudima, azilanata, ilegalnih imigranata, izbjeglica, starih lica, lica s invaliditetom i drugih ustanova prema potrebi ("Službeni glasnik BiH", broj 83/09),
4. Vildanu Vranj i Mariofila Ljubića koji su Odlukom Vijeća ministara BiH imenovani za članove Komisije za monitoring kaznenopopravnih zavoda (zatvora, pritvora i pritvorskih ustanova za maloljetnike), policijskih stanica i psihijatrijskih ustanova gdje su lica mimo svoje volje lišena slobode ("Službeni glasnik BiH", broj 83/09).

Naime, Evropska zatvorska pravila u dijelu VI., tač. 93.1. i 93.2., predviđaju dvije vrste inspekcije i praćenja, i to: **vladinu inspekciju i nezavisno praćenje**. U okviru nezavisnog praćenja navedeno je da će "uslove boravka u zatvoru i postupanje sa zatvorenicima pratiti nezavisni organ ili organi čiji će zaključci biti dostupni javnosti."

U skladu s navedenom odredbom, imenovana lica mogu se u određenoj mjeri dovesti u vezu s nekim vidom vladinog nadzora, jer su za svoj rad odgovorni Ministarstvu pravde BiH, odnosno godišnje izvještaje podnose Vijeću ministara BiH.²

I pored toga, članovi Privremene komisije izvršili su bodovanje svih kandidata koji su pristupili intervjuu.

Privremena komisija je, u skladu s članom 13. Poslovnika o radu, utvrdila tipski obrazac za ocjenjivanje svakog kandidata od prisutnih članova Privremene komisije nakon obavljenog intervjua.

Broj bodova svakog kandidata količnik je sabranih ocjena koje je dao svaki član Privremene komisije. Bodovanje kandidata vršeno je na osnovu sljedećih kriterija:

- obavljeni intervju (od 0 do 30 bodova),
- dosadašnje radno iskustvo (od 0 do 30 bodova), i
- stečeno iskustvo u oblasti izvršenja krivičnih sankcija, pritvora i drugih mjera (od 0 do 10 bodova).

² Član 5. stav (7) Odluke o formiranju Komisije za monitoring rezidencijalnih ustanova za smještaj i zbrinjavanje djece, žrtava nasilja, trgovine ljudima, azilanata, ilegalnih imigranata, izbjeglica, starih lica, lica s invaliditetom i drugih ustanova prema potrebi ("Službeni glasnik BiH", broj 83/09) i član 5. stav (7) Odluke o formiranju Komisije za monitoring kaznenopopravnih zavoda (zatvora, pritvora i pritvorskih ustanova za maloljetnike), policijskih stanica i psihijatrijskih ustanova gdje su lica mimo svoje volje lišena slobode ("Službeni glasnik BiH", broj 83/09)

IV. Utvrđivanje prijedloga jedinstvene liste kandidata

U skladu s članom 3. Zaključka o osnivanju Privremene zajedničke komisije i članom 16. Poslovnika o radu, zadatak Privremene zajedničke komisije bio je da, u skladu sa Zakonom provede proceduru oglašavanja za članove Nezavisne komisije i domovima predloži pet kandidata za članove Nezavisne komisije.

U skladu s navedenim Privremena zajednička komisija utvrdila je

PRIJEDLOG

JEDINSTVENE LISTE ZA IMENOVANJE PET ČLANOVA NEZAVISNE KOMISIJE ZA PRAĆENJE USLOVA BORAVKA U ZAVODIMA, POSTUPANJE I POŠTIVANJE LJUDSKIH PRAVA LICA NAD KOJIMA SE IZVRŠAVAJU KRIVIČNE SANKCIJE I DRUGE MJERE KOJE JE IZREKAO U KRIVIČNOM POSTUPKU SUD BOSNE I HERCEGOVINE, STRANI SUDOVI ZA DJELA PREDVIDENA KRIVIČNIM ZAKONOM BOSNE I HERCEGOVINE ILI MEĐUNARODNIM UGOVOROM ČIJI JE POTPISNIK BOSNA I HERCEGOVINA ILI DRUGI SUD U SKLADU SA ZAKONOM BOSNE I HERCEGOVINE

Redni broj	Kandidat	Broj bodova
1.	Mile Lasić	385
2.	Semih Borovac	383
3.	Predrag Crnogorac	378
4.	Damir Čačković	373
5.	Milana Škipina	372

Lista ostalih kandidata s kojima je obavljen intervju:

Redni broj	Kandidat	Broj bodova
6.	Vildana Vranj	353
7.	Jugoslav Lalović	350
8.	Mariofil Ljubić	349
9.	Mirsad Kadić	329
10.	Dragan Podinić	328
11.	Pejo Krnjić	316
12.	Husein Hajdarević	311
13.	Željka Sekulić-Marković	276
14.	Salih Terzić	271
15.	Mehmed Alibegović	262

V. Dostavljanje prijedloga jedinstvene liste kandidata u parlamentarnu proceduru

U skladu sa zakonskim i poslovničkim odredbama, Privremena komisija dostavlja utvrđeni Prijedlog liste kandidata za Nezavisnu komisiju Predstavničkom domu i Domu naroda Parlamentarne skupštine BiH na daljnji postupak. Uz Prijedlog liste, Privremena komisija, u skladu s članom 16. stav (3) Poslovnika o radu, dostavlja i biografije za svakog od pet predloženih kandidata.

Za izvjestioce o radu i o ovom izvještaju Privremene zajedničke komisije u domovima Parlamentarne skupštine BiH određeni su:

- iz Predstavničkog doma - Slavko Matić, prvi zamjenik predsjedavajuće Privremene zajedničke komisije,
- iz Doma naroda - Alma Čolo, predsjedavajuća Privremene zajedničke komisije.

Dostaviti:

- Kolegiju Predstavničkog doma
- Kolegiju Doma naroda
- a/a



Milana Škipina
Adresa: Trebevička 31
71420 Pale
Republika Srpska
BOSNA I HERCEGOVINA
Telefon: 387 65 730 450
E-mail: kati@paleol.net

Obrazovanje: Fakultet političkih nauka „Veljko Vlahović“, diplomirala 1988. godine, smjer Odbrana i zaštita.

Zaposlenja: 1988.-1995. Profesor sa prekidima zbog rata ,
1995.-2005. analitičar i kriminalistički inspektor Centra javne bezbjednosti Istočno Sarajevo,
2005-2009. septembar, stručni saradnik u odsjeku za borbu protiv organizovanog kriminala i korupcije Ministarstva bezbjednosti BiH i vršilac dužnosti šefa odsjeka za suzbijanje zloupotrebe opojnih droga od 01.02.2007.g. do 15.09.2009.g.
15.09.2009.g- šef odijeka za suzbijanje zloupotrebe opojnih droga u Ministarstvu bezbjednosti.
-Član Komisije za suzbijanje zloupotrebe opojnih droga pri Savjetu ministara BiH od 28.06.2007.g.
-Član Komisije za uništavanje zaplijenjenih droga BiH od 25.05.2009. godine.

Opis poslova: Od 1995. do 2005. godine radnik policije, poslovi analize i suzbijanja i represivnog djelovanja u oblasti maloljetničke delikvencije i opšteg kriminaliteta, odnosno provođenje odluka tužilaštva, što je uključivalo i poslove vezano sa određivanjem mjere pritvora licima za koje se sumnja da su počinila krivično djelo.

U Ministarstvu bezbjednosti, u protekle 4 godine koordinirala i učestvovala u izradi Strategije i Akcionog plana suzbijanja zloupotrebe opojnih droga za BiH, koje predviđaju poboljšanje uslova boravka osuđenih lica u toku izdržavanja zatvorske kazne, kroz uvođenje sistema mjera obavezbog liječenja ovisnika o opojnim drogama.

POTPIS
Milana Škipina
Milana Škipina

Sarajevo, 07.12.2009.g.

Doc. dr. sc. Mile Lasić, dipl. iur.
Obilazna cesta 32.
88220 ŠIROKI BRIJEG

Tel.: 036/322-586, 039/706-552
E-mail: mile.laic@tel.net.ba

CURRICULUM VITAE

Rođen sam 3. veljače 1964. u Uzarićima općina Široki Brijeg, Bosna i Hercegovina. Po nacionalnosti sam Hrvat. Osnovnu školu završio sam u Širokom Brijegu a Srednju upravnu školu u Mostaru. Diplomirao sam 1987. na Pravnom fakultetu u Mostaru.

Od 1987. do 1990. proveo sam na radu u SR Njemačkoj.

Od 1990. do 1996. bio sam tajnik Općinskog vijeća općine Široki Brijeg.

U Županiji Zapadnohercegovačkoj, od 1996. do 2002., obnašao sam dužnosti tajnika Skupštine i tajnika Vlade Županije Zapadnohercegovačke.

Od akademske 1994./95. do 2008./09. asistent sam na Pravnom fakultetu Sveučilišta u Mostaru, na Katedri za građansko pravo, gdje sudjelujem u izvođenju nastave iz predmeta: Međunarodno privatno pravo i Trgovačko pravo. Od akademske 2009./10 docent sam na istom Pravnom fakultetu za: Međunarodno privatno pravo i Arbitražno pravo, te nositelj predmeta Ugovorno mpp na „Poslijediplomskom studiju“.

1994. upisao sam Poslijediplomski studij „Pravo mora“ na Pravnom fakultetu Sveučilišta u Splitu na kojem sam magistrirao 2001. Doktorsku disertaciju obranio sam 9. srpnja 2008. na Pravnom fakultetu Sveučilišta u Mostaru.

Četiri puta uzastopno biran sam za zastupnika u Zastupnički dom Parlamenta Federacije BiH (1996.-2006.), gdje sam obavljao dužnosti: predsjednika Ustavnog povjerenstva, zamjenika predsjednika Zakonodavno-pravnog povjerenstva, zamjenika predsjednika i tajnika Kluba zastupnika i dr.

Objavio sam više znanstvenih i stručnih radova iz područja prava u znanstvenim i stručnim časopisima, te sudjelovao u radu (i kao referent) većeg broja, domaćih i međunarodni, znanstvenih i stručnih skupova, seminara, savjetovanja, okruglih stolova, i sl.

Studijski boravak (usavršavanje) obavio sam 2000. u Bruxellesu (Belgija) i Grazu (Austrija) u organizaciji Skupštine europskih regija (AER) na temu: «Regionalizam u Europi i zemlje jugoistočne Europe».

Kao član Radne skupine stručnjaka (eksperata) za izradu Studije usuglašenosti zakonodavstva u BiH s Europskom konvencijom za zaštitu ljudskih prava i temeljnih sloboda i njezinim protokolima, boravio sam tri puta tijekom 2004. u Strasbourgu (Vijeću Europe i Europskom sudu za ljudska prava).

Bio sam član Radne skupine stručnjaka (eksperata) za ustavnu reformu pod nazivom „Dayton projekt“ a u organizaciji američkog Instituta za mir 2005./06., u okviru koje sam boravio, po tjedan dana, u Washingtonu i Bruselu.


Bio sam član brojnih povjerenstava (stalnih i *ad hoc*) za izradu zakona i drugih normativnih akata (statuta, poslovnika, kodeksa ponašanja, i sl.), povjerenstava za polaganje stručnih upravnih ispita u tijelima državne uprave, povjerenstva za polaganje stručnog odgojiteljskog ispita i stručnog ispita stražara u federalnim ustanovama za izvršenje kazne zatvora i dr.

Zivim u obiteljskoj kući u Širokom Brijegu, sa suprugom i petoro djece.

Služim se engleskim i njemačkim jezikom.

Široki Brijeg, 30. studenoga 2009.

Doc. dr. sc. Mile Lasić



(Kratka)
Б И О Г Р А Ф И Ј А

Зовем се Предраг Црногорац. Рођен сам 10.08.1958. године у Сарајеву од оца Гојка и мајке Станиславе, рођене Шкоровић.

Основну и средњу школу (ИВ гимназију) завршио сам на Илици, а Правни факултет у Сарајеву гдје сам дипломирао 1984. године.

Од 03.09.1984. године до 30.06.1987. године радио сам у општинском органу управе надлежном за послове одбране на Илици на пословима провођења првостепеног управног поступка и организације одбрамбених припрема. Од 1987. године до 01.04.1992. године радио сам у привреди на правним пословима и организацији одбрамбених припрема.

Почетком ратних дејстава у БиХ мобилисан сам у ВРС, гдје сам био до 21.04.1996. године када сам прешао у МУП РС, Центар јавне безбједности Српско Сарајево гдје сам остао до 31.07.2000. године када сам прешао у Државну граничну службу БиХ.

Током рада у ЦЈБ Српско/Источно Сарајево обављао сам најсложеније послове из правне области, контроле кретања и боравка странаца, те сам у периоду од прољећа 1996. до августа 1999. године обављао послове начелника одјељења за Правне и кадровске послове, контролу кретања странаца и издавања путних исправа. Током рада на овим пословима проводио сам комплетан поступак у вези лишавања слободе страних држављана који су илегално боравили у БиХ и њихово стављање у полицијски притвор до 72 часа по тадашњим прописима, а прије него су предати надлежним судовима ради процесуирања и протјеривања са територије БиХ.

Успоставом ДГС БиХ, од 01.08.2000. године, прелазим на послове миграција и азила, те током рада у ДГС/ГП БиХ обављам најсложеније послове овлаштеног службеног лица.

Тренутно обављам послове инспектора унутрашње контроле у Канцеларији за професионалне стандарде и унутрашњу контролу ГП БиХ. Током рада на пословима инспектора унутрашње контроле обрађивао сам и истраживао више случајева у којима је дошло до прекорачења овлаштења и прекомјерне употребе силе према лицима која су била лишена слободе и задржана у полицијском притвору до 24 часа, те на том пољу имам солидно искуство.

Живим на подручју Источне Илиће, ожењен, отац троје дјеце, те стамбено ситуиран.

Čačković Damir
Ul Maršala Tita 199.
75.000 Tuzla

BIOGRAFIJA


Rođen sam 23. decembra 1975. godine u Tuzli gdje sam završio osnovnu i srednju školu-Gimnaziju. Nakon završene Gimnazije upisao sam Pravni fakultet na Univerzitetu u Sarajevu na kojem sam 02. juna 2003. godine diplomirao, a 14. septembra 2009. godine i magistrirao na Krivičnoj katedri navedenog fakulteta obranivši magistarski rad pod nazivom „Aktivnosti ovlaštenih službenih osoba u postupku otkrivanja i dokazivanja krivičnih djela u krivičnom procesnom pravu“.

Nakon završenog Pravnog fakulteta 01. augusta 2003. godine zasnovao sam radni odnos u Ministarstvu unutrašnjih poslova Tuzlanskog kantona te sam nakon završenog pripravničkog staža raspoređen na poslove i zadatke istražitelja u Sektoru kriminalističke policije a na kojima se i do danas nalazim. Za vrijeme svog dosadašnjeg radnog angažmana učestvovao sam u istragama najtežih krivičnih djela protiv imovine i protiv života i tijela a za što sam više puta pohvaljivan od strane Policijskog komesara MUP-a TK-a, zatim 24. maja 2004. godine i pismeno priznanje od strane američke vlade te dana 22. maja 2009. godine i pismenu pohvalu od strane Ministra MUP-a TK-a. Osim toga sam, kao policijski službenik MUP-a TK-a, akademske 2008/2009. godine uzeo aktivno učešće u edukaciji studenata Pravnog fakulteta Univerziteta u Tuzli za što mi je od navedenog fakulteta uručena i adekvatna zahvalnica.

Takođe sam, u sklopu svog daljeg stručnog usavršavanja, u periodu od 20. oktobra 2003. godine do 09. januara 2004. godine uspješno završio Kurs osnovne policijske obuke na Policijskoj akademiji u Sarajevu, zatim dana 08. oktobra 2004. godine položio Stručni upravni ispit pred komisijom Federalnog ministarstva pravde te 03. decembra 2007. godine uspješno položio i Pravosudni ispit.

Osim toga mogu još na istaknem da vrlo dobro poznajem cjelokupno krivično zakonodavstvo u Bosni i Hercegovini, pa i šire, a između ostalog i Izvršno krivično zakonodavstvo, Penologiju i međunarodna ljudska prava jer sam isto izučavao, ne samo tokom dodiplomskog i postdiplomskog studiranja, nego i u sklopu mog samostalnog stručnog usavršavanja.

Čačković Damir



BIOGRAFIJA

GENERALNI PODACI:

Ime i prezime: Semiha (Mehmed) Borovac, rođena Memija
Datum i mjesto rođenja: 02. mart 1955. Sarajevo
Država: Bosna i Hercegovina
Nacionalnost: Bošnjakinja
Porodični status: Udata (majka dvoje djece)



ADRESA:

Adresa: Trg Heroja br. 4., Novo Sarajevo, 71000 Sarajevo
Telefon: 387 (61) 131-324

OBRAZOVANJE:

- 2000. Položen pravosudni ispit, Sarajevo
- 2000. USAID Certifikat za rad u Parlamentarnim odborima, Certificate of Achievement (United States Agency for International Development – Effective Parliamentary Committees Training)
- 2001. Certifikat za trenere LOKALNIH RAZVOJNIH INICIJATIVA (Norwegian People's Aid, „TALDI“ Tuzla)
- 1983. Položen stručni ispit radnika organa uprave, Sarajevo
- 1977. Diploma Pravnog fakulteta Univerziteta u Sarajevu
- 1973. Druga gimnazija, Sarajevo,
- 1969. Osnovna škola „Ahmet Fetahagić“, Sarajevo

ZAPOSLENJE – PROFESIONALNA KARIJERA:

- 2005.-2009. Gradonačelnica Grada Sarajeva - Grad Sarajevo
- 2001.-2005. Zamjenica predsjednika Ustavne komisije Doma naroda parlamenta FBiH
Predsjednica Odbora za denacionalizaciju i privatizaciju u Domu naroda FBiH
- 2000.-2005. Delegat u Skupštini Kantona Sarajevo
- 2000.-2005. Delegat u Domu naroda Parlamenta FBiH
- 2000.-2005. Predsjednica Kluba Bošnjaka u Domu naroda Parlamenta Federacije BiH
- 1998.-2000. Zastupnica u Predstavničkom domu Parlamenta Federacije BiH - Parlament FBiH
- 1998.-2000. Član Kongresa lokalnih i regionalnih vlasti Vijeća Europe ispred Parlamenta FBiH
- 1996.-2000. Zamjenica ministra pravde Kantona Sarajevo - Sarajevo
- 1996.-1996. Šef Kabineta načelnika Općine Novo Sarajevo
- 1995.-1996. Sekretar IO Općine Novo Sarajevo
- 1992.-1995. Pomoćnik sekretara IO Općine Novo Sarajevo
- 1990.-1992. Sekretar općinske Izborne komisije na prvim višestranačkim izborima i član općinske Komisije za provođenje Referenduma o nezavisnosti BiH.
- 1990.-1992. Pomoćnik sekretara SO Novo Sarajevo.
- 1986.-1990. Sekretar Vijeća udruženog rada SO Novo Sarajevo.
- 1983.-1986. Upravni inspektor u Općini Novo Sarajevo.
- 1977.-1983. Stručni saradnik u Sindikatu RBiH.

OSTALE AKTIVNOSTI U KARIJERI:

- 2007.-2008. Član Koordinacije saveza općina i gradova u Federaciji BiH i saveza općina i gradova Republike Srpske.
- 2005.-2008. Član saveza općina i gradova u Federaciji BiH.

- 2005.-2007. Član Komisije Vijeća ministara BiH za Restituciju u Bosni i Hercegovini.
- 2003. Voditelj Seminara "Jačanje uloge žena načelnica općina" u Federaciji BiH u okviru Pak stabilnosti, i seminara OSCE-a "Jačanje uloge žene političara" (od 1997 pa nadalje).
- 1999. Posmatrač Općih izbora u Velikoj Britaniji ispred FBIH.
- 1998. Predsjednica "Foruma Žene Bosne i Hercegovine" u prvom sazivu.
- 1997.-2000. Član Komisije za ustavno - pravno uređenje Grada Sarajeva i podjelu nadležnosti između Grada Sarajeva i Kantona Sarajevo .
- 1996.-2004. Član komisija, seminara i okruglih stolova za izradu propisa i unapređenje ustavno-pravnog sistema Federacije i države Bosne i Hercegovine

OSTALE MEĐUNARODNE AKTIVNOSTI:

- 2008. Sudionik i govornik na otvaranju Konferencije Gradonačelnika glavnih gradova EU - Ljubljana (Slovenija);
Sudionik i govornik na Prvoj Svjetskoj konferenciji o diplomatiji gradova - Den Haag (Holandija);
- 2007. Sudionik i govornik na Konferenciji „Europski standardi upravljanja velikim gradovima“ – Zagreb (Hrvatska)
Sudionik i govornik na Međunarodnoj konferenciji OECD-a posvećenoj politici globalizacij gradova - Madrid (Španija)
Sudionik i govornik na Samitu Gradonačelnika svijeta – Istanbul (Turska);
Sudionik i govornik na Konferenciji o reformi javne uprave – Beograd (Srbija);
Sudionik i govornik na Evropskom kongresu o maloljetničkoj devijaciji i napuštanju školovanja - Rimini (Italija);
Sudionik i govornik na 7. Međunarodnoj konferenciji u okviru ciklusa "Uloga katoličke crkve u procesu evropskih integracija" – Krakow (Poljska);
Sudionik i govornik na Međunarodnoj konferenciji "Prava i jednake mogućnosti za sve"- Torino (Italija);
- 2006. Sudionik i govornik na 24. Konferenciji gradonačelnika – Jeruzalem (Izrael);
- 2005. Sudionik i govornik na međunarodnoj mirovnoj konferenciji lokalnih uprava - Nevsehir (Turska);

POLITIČKE AKTIVNOSTI:

- 2000.-2004. Sekretar Kantonalnog Odbora SDA Sarajevo;
- 2001. Predsjedavajuća III Kongresa SDA Bosne i Hercegovine;
- 2002.-2009. Član komisije za Statut i Poslanik SDA;
- 2003.-2009. Član Grupe za pravna pitanja Savjeta SDA;
- 2005.-2009. Član glavnog odbora SDA;
- 2005. Predsjedavajuća IV Kongresa SDA;
- 2007.-2009. Predsjednik odbora za pravna pitanja SDA;
- 2009. Predsjedavajuća V Kongresa SDA;

POZNAVANJE STRANOG JEZIKA:

Engleski jezik

HOBI:

Historijska literatura, boravak u prirodi